

Wien, Österreichische Nationalbibliothek (ÖNB), Cod. 1622

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1325

D O G M A T I C I

1326

rum, universaque Jurisdictione ecclesiastica agitantibus magno usui esse possint.

CCCXL.

- 431 Codex membraneus lat. Sec. XV. Foliorum, quorum multa vacant, 204. 4. caractere nitido, et frontibus Opusculorum picturatis, continet: I. *Magistri Stanislai de Znoyma* Univerfit. Pragenae Prof. de quo diximus saepius Tractatum Theol. *de Peccato et Gratia*, qui incipit: *Cum sit necessarium deplangere et odire, persequi et detestari crimina, quibus anima mortificatur &c.* et finit: *Hec ad presens sint collecta de peccato et gratia in generali. Deo gratias amen. Explicit hic tractatus de peccato et gratia Ma-*

gistri Stanislai labore editus sacre Theologie professoris Anno domini, MCCCCX°. Fol. 73. sequitur Adpendicula de Homine in Statu Innocentiae.

II. fol. 83. et deinceps varia *Job. Wiclefi* Scripta sequuntur, quae mireris ab eadem manu in eodem Codice cum *Stanislao* praecedente conjuncta fuisse. Primum est *de Simonia*, et nobis incipit: *Sententia tractatus de symonia capitulariter sic habetur. Capitulum primum declarando tres modos heresis ostendit &c.* *Balaesus* et *Tannerus* aliud initium statuunt: *Heu magni Sacerdotes in tenebris &c.* Sed istud fortasse *Prologi* sit, qui a Codice nostro abest. Finit *Noster: Ad quod ipse moveat qui super totam ecclesiam semper regnat.* Addidit infelix *Metrificus:*

*Explicit hoc verum conculcans symonis clerum
Cunctos cum papis monachis ceterisque prelati.*

III. fol. 133. absque titulo ejusdem *Wiclefi Speculum militantis Ecclesiae*, citatum a Bibliographis supradictis. Initium ejus est: *Cum idemptitas sit mater fastidij &c.* Finis: *ut veritati fructuose consentiat in hac parte.* Redibit saepius, alio nomine *Dialogus.*

IV. fol. 157. p. 2. absque titulo Ejusdem, ut non dubito, *Responsio ad XLIV. Quaestiones* hoc initio: *Quidam doctor utinam veritatis nititur impugnare sententiam quam sacerdotes fideles predicant tamquam fidem nec est illis vis quod vocentur a satrapis*

ydiothe &c. *Secunda Quaestio* verfatur circa potestatem sacerdotalem et regalem in Jesu Christo unitam et summo pontifici et imperatori diuifim diuinitus commissam. *Tertia* circa derivationem omnium legum ab hac duplici potestate &c. *Ultima Quaestio* seu verius *Thesis* est: *Quicumque opposita premissarum questionum contra Romanam ecclesiam pertinaciter asserit seu defendit semet ipsum excommunicatum et hereticum euidenter ostendit.* Finis: *et patris mendatij nequitia dominetur.* Pluribus hoc Scriptum indicavi, cum e *Balei*, *Whartoni*, *Fabricii*,

Wien, Österreichische Nationalbibliothek (ÖNB), Cod. 1622

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1327

C O D I C E S

1328

cii, Tannerique *Catalogis* nil certi de eo statui possit.

V. fol. 179. p. 2. absque titulo Ejusdem, ut e mox citatis *Catalogis* video, *Epistola* responsoria ad V. *Quaestiones*, quae incipit: *Quidam fidelis in domino querit caritativae ut estimo quintuplicem questionem* &c. *Quaestiones* hae versantur circa Amorem Dei, et habentur etiam anglice: *Five Questions about loving God*. Finis: *in hoc statu miserie disrumpamus*.

VI. fol. 180. p. 2. et deinceps *Responsa* quaedam breviora de Ordinatione Ministrorum Ecclesiae, de Corruptione Cleri in *Anglia*, ubi de Rege *Eduardo III.* tanquam mortuo, itaque post an. 1377. fermo est, denique de Mendicantium Ordinibus, unde ad Historiam haec noto: *Nec fuimus nos primi qui invebimus contra ipsos, sed recenter Beatus Richardus Armacanus Episcopus laboravit ad purgationem ecclesiae de crucibus per sectas fratrum noviter introductis et laboravit* (Guil.) *Occam cum multis alijs fratribus fidelibus ad purgationem suorum fratrum qui a primæva regula declinarunt et idem facit Wilhelmus de sancto amore cum multis alijs postquam fratres inceperant ymmo Robertus episcopus Lincon. grosse teste* (Großhead) *et subtilis ingenij invexit acute contra hos ordines prope mortem suam quando fuit in moribus plus maturus* &c. Haec et plurima alia *Wiclefi*, prelo nunquam subjecta, in Bibliothecis, praeci-

pue *Anglicis*, delitescunt, olim nec in *Bohemia* infrequentia. Adi, si lubet, *Indicem*.

CCCXLI.

Codex chartaceus mixtis quibusdam membranis lat. germ. boh. Sec. XV. Folior. 280. 4. currente calamo a diversis exaratus complectitur: I. *Quaestiones* sequentes: 1°. Quot modis moriantur Homines propter peccata. 2°. Utrum Imago Dei sit adoratione latriae adoranda. 3°. Quomodo Deus sit adorandus vel colendus. 4°. Qualia sint opera Hominis in mortali peccato existentis. Breviter ad singulas et e fanis principiis respondetur; improbantur tamen Imagines Dei Patris, et S. Trinitatis, ut communiter fieri solent.

II. fol. 3. sequuntur non tamen servato temporis ordine *Nicolai de Lira* O. M. Expositiones *Epistolarum* in Dominicis, Festisque Domini in Ecclesia legi solitarum excerptae e *Postillis* ejus in universa Biblia. Initium ducitur ab *Epistola in Die Pasche*. *Fratres expurgate vetus fermentum. 1 cor. 5.* Prius enim dixit apostolus quod modicum fermentum totam massam corrumpit. Pro quo notandum quod in fermento duo sunt &c. Non improbanda industria Ejus, qui e vasto *Postillarum* Corpore haec in usum sacrorum Curionum excerpfit, qui in tenui re a Corpore illo coëmendo prohibebantur; miranda potius Possessoris inferius nominandi